

CONVENIO DE COLABORACIÓN ENTRE A AXENCIA TURISMO DE GALICIA E O ARCEBISPADO DE SANTIAGO DE COMPOSTELA PARA A CONSTRUCCIÓN DE REIXAS NAS IGREXAS DO CAMIÑO DE SANTIAGO

O xerente de Turismo de Galicia

DECLARA:

Que esta Axencia Turismo de Galicia formalizou co Arcebispado de Santiago de Compostela o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2021.

Que o instrumento convencional ten por obxecto establecer as condicións para a colaboración entre a Axencia Turismo de Galicia e o Arcebispado de Santiago de Compostela para a construción de reixas nas igrexas do Camiño de Santiago.

Que existe converxencia de intereses entre as entidades asinantes en orde á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, en virtude do disposto no artigo 9 dos seus estatutos, aprobados polo Decreto 196/2012, do 27 de setembro, é a entidade pública instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e innovación, o desenvolvemento, mellora, información e difusión do sector turístico galego, potenciando a devandita



oferta, mediante a comercialización, información e difusión do 2 produto turístico da Comunidade galega e particularmente do produto estrela de todos os galegos, o Camiño de Santiago.

Segundo.- O Arcebispado de Santiago de Compostela esta interesado en poñer en valor o seu patrimonio e compartilo coa cidadanía. O Arcebispado é o titular das igrexas cuxa apertura ás persoas peregrinas é necesaria para a divulgación do patrimonio vinculado ao Camiño de Santiago e por tanto o único capaz de desenvolver o obxecto deste convenio, razóns polas que non é posible subscribir un convenio con ningunha outra entidade, non resultando posible a concorrencia pública.

Terceiro.- No Plan Estratéxico para o Camiño de Santiago 2015-2021 se recolle na liña estratéxica 5: o fortalecemento da cidade de Santiago de Compostela como meta da ruta Xacobeá.

Unha das formas de promoción do Camiño é a posta en valor dos seus bens inmobles, tendo unha gran riqueza cultural, histórica e artística as igrexas por onde pasa o Camiño; así como as existentes na meta do mesmo como é Santiago de Compostela. A maior afluencia de peregrinos ten lugar no verán.

O camiño de Santiago de Compostela francés é o roteiro xacobeo con maior tradición histórica e o máis recoñecido internacionalmente dende o século IX, data do descubrimento da tumba do Apóstolo Santiago.

O camiño de Santiago portugués tomou relevancia a partir do século XII, trala independencia de Portugal. O seu trazado herda vías e camiños antigos, como a Vía XIX, construída no século I d. C., que unía Braga con Astorga a través de Ponche de Lima, Tui, Pontevedra, Santiago e Lugo, e que foi unha das calzadas romanas máis importantes.



O culto xacobeo tivo no Camiño Portugués un territorio fundamental para entender a verdadeira dimensión internacional do fenómeno das peregrinacións.

O obxecto do presente proxecto é posibilitar aos peregrinos que se achegan a Santiago de Compostela por ambos os camiños ver e gozar o interior das capelas e igrexas que se sitúan ao longo dos devanditas roteiros de peregrinación.

Con todo é imposible poder dispoñer de persoal suficiente que atendan aos peregrinos e fagan posible a apertura das devanditas igrexas. Para iso contémplanse neste proxecto a disposición de reixas nuns casos e de apertura de ocos nas portas de entrada, noutros para que, podendo estar as igrexas pechadas, poida contemplarse o seu interior.

Esta actuación complementábase en 11 das igrexas coa disposición dunha iluminación mediante placas solares e proxectores led que permiten a mellor visión dos propios interiores.

As capelas e igrexas sobre as que se actúa no presente proxecto son:

1) Edificacións situadas no Camiño Francés:

- 1.1) Capela de San Paio de Preguntoño – Arzúa
- 1.2) Igrexa de San Breixo de Ferreirós – O Pino
- 1.3) Capela de Santa Lucía de San Paio – Santiago de Compostela
- 1.4) Igrexa Parroquial de San Paio de Sabugueira– Santiago de Compostela
- 1.5) Capela de San Roque de San Paio – Santiago de Compostela
- 1.6) Capela de San Marcos – Santiago de Compostela

2) Edificacións situadas no Camiño Portugués:

- 2.1) Capela de San Martiño dos Francos – Teo



- 2.2) Capela de Santa María Magdalena – Ames
- 2.3) Capela de Santiago do Monte – Padrón
- 2.4) Igrexa Antiga de Pontecesures
- 2.5) Igrexa de San Miguel de Valga
- 2.6) Igrexa de Santa Mariña de Carracedo – Caldas de Reis
- 2.7) Igrexa de Santa María de Caldas– Caldas de Reis
- 2.8) Igrexa de Santa Mariña de Arcos da Condesa – Caldas de Reis
- 2.9) Igrexa de San Cristovo de Briallos – Portas
- 2.10) Igrexa de San Breixo – Barro

Cuarto.- A Axencia Turismo de Galicia, dentro das súas competencias, está interesada no apoio ao Camiño de Santiago e na divulgación do patrimonio vinculado ao mesmo, coa apertura de igrexas, como bens culturais que son, de xeito que se contribúa á promoción do Camiño de Santiago, así como a promoción e difusión dos valores universais que lle son propios.

Que a través deste convenio, outórgase ó Arcebispado de Santiago de Compostela unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos



contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

O xerente de Turismo de Galicia

Emilio José de la iglesia Lema

